

唐
音
統
籤

辛巖三填詞之二

唐音統巖卷

九百四十三

遐方怨二首

溫庭筠

憑繡檻解羅幃未得君書斷腸滿湘春雁飛不知
征馬幾時歸海棠花謝也雨霏
花半拆雨初晴未捲珠簾夢殘惆悵聞曉鶯宿粧
眉淺粉山橫約黛鸞鏡裏繡羅輕

又

簾影細窳紋平象紗籠玉指綫金羅扇輕嫩紅雙
臉似花明兩條眉黛遠山橫鳳簫歌鏡塵生遼
塞音書絕夢魂長暗驚王郎經歲負娉婷教人爭

不恨無情

訴衷情

溫庭筠

鶯語花舞春晝午
雨霏微金帶枕宮錦鳳皇帷柳
弱燕交飛依、遼陽音信稀夢中歸

又二首

韋莊

燭燼香殘釵半捲
夢初驚花欲謝
深夜月朧明何處
接歌聲輕、舞衣塵暗生
負春情
碧沼紅芳兩兩靜
倚蘭橈垂玉佩
交帶裏纖腰鴛
夢隔星橋迢、越羅香暗銷
墜花翹

又二首

顧夔

香減簾垂春漏永
整鴛衾羅帶重
雙鳳縷黃金窻
外月光臨沉
斷腸無處尋
負春心

永夜拋人何處去
絕來音香閣掩
眉歛月將沉
爭
忍不相尋
怨孤衾
換我心
為你心
始知相憶深

又二首

毛文錫文錫字平珪唐太僕卿亮

建判樞密院亮文錫殿學士官至司徒後

隨王衍入洛卒楊炯修云蜀禱抗載毛

文屬及庶虞晨歐陽炯韓琮閻選事孟起

有五鬼之號今按十國時惟南唐書稱其

臣馮延巳詩五人為五鬼蜀禱抗無其文

也韓琮是唐宣宗時詩人禱抗載王衍宴

群臣曾唱琮柳枝詞云云禱抗載王衍宴

耳文錫官闕見五代史及文戲通考經籍

志願俗安得妾謂事孟氏號五鬼乎非正

之文錫并下魏承班詞並本曲破詞也

詞譜卷一百一十五
三

桃花流水漾縱橫
春盡彩霞明
劉郎去阮郎行
惆悵恨難平
愁坐對雲屏
算歸程
何時攜手洞邊
迎訴衷情

鴛鴦交頸繡衣輕
碧沼藕花馨
隈藻荇映蘭汀
和雨浴浮萍
思婦對心驚
想邊庭
何時解珮捲雲
屏訴衷情

天五首 魏承班 蜀太尉

高歌宴罷月初盈
詩情引恨情
烟露冷水流
輕思
想夢難成
羅帳裏
香平恨
頻生
思君無計睡還
醒
隔層城

春深花發小樓臺風飄錦綉開新睡覺步香堦山
枕印紅腮鬢亂墜金釵語檀恨臨行執手重
嚙幾千迴

銀漢雲晴玉漏長蛩聲悄畫堂筠簟冷碧窻涼紅
蠟淚飄香皓月瀉寒光割人腸那堪獨自步池
塘對鴛鴦

金風輕透碧窻紗銀缸焰影斜欹枕卧恨何賒山
掩小屏霞雲雨別吳娃想容華夢成幾度遶天
涯到君家

春情滿眼臉紅銷嬌妬索人饒星靨小玉璫搖幾

共醉春朝 別後憶纖腰夢魂勞如今風葉又蕭

蕭恨迢迢

西溪子 毛文錫

昨日西溪遊賞芳樹奇花千樣瑣春光金罇滿聽
絃管嬌枝一作舞衫香暖不覺到斜暉馬馱歸

又 牛嶠

捍撥雙盤金鳳蟬鬢玉釵搖動畫堂前人不語絃
解語彈到昭君怨處翠蛾愁不擡頭

又 李珣

金縷翠鈿浮動粧罷小窻圓夢日高時春已老人

來到滿地落花慵掃無語倚屏風泣殘紅

天仙子二首

皇甫松

晴野鷺鷥飛一隻水蒨花發秋江碧劉郎此日別
天仙登綺席淚珠滴十二晚峰高歷々
躑躅花開紅照水鷓鴣飛遠青山背行人幾歲始
歸來千萬里錯相倚懊恼天仙應有以

又五首

韋莊

帳望前回夢裏期看花不語苦尋思露桃宮裏小
腰肢眉眼細髻雲垂唯有多情宋玉知

深夜歸來長酌耐扶入流蘇猶未醒醺醺酒氣麝

蘭和鶯睡覺笑呵呵長道人生能幾何

瞻彩霜華夜不分天外鴻聲祝上聞
綉衾香冷嬾重薰人寂
葉紛
繞睡依前夢見君

夢覺雲屏依舊空社鷓聲咽隔簾攏
玉卽薄倖去無蹤
一日
恨重
淚界蓮腮兩線紅
金似衣裳玉似身
眼如秋水顰如雲霞裙月懷一
群
來洞口望烟分
劉阮不歸春日曛

又二首 和凝

柳色披衫金縷鳳纖手輕拈紅豆弄翠蛾
變臉正含情
桃花洞瑤臺夢一片春愁誰與共

洞口春紅飛靉靆。仙子含愁眉黛綠。阮郎何事不
歸來。懶燒金爐篆玉。流水桃花空斷續。

風流子三首

孫光憲

茅舍槿籬溪曲。雞犬自南自北。菰葉長水荇開門。
外春波漲綠。聽織聲促。軋。鳴梭穿屋。
樓倚長檣欲暮。瞥見神仙作侶。微傳粉黛梳頭隱。
映畫簾開處。無語無緒。慢曳羅裙歸去。
金絡玉銜嘶馬繫。向綠楊陰下。朱戶掩。繡簾垂。曲
院水流花榭。歡罷歸也。猶在九衢深夜。

歸國謠三首

馮世已

何處皆深夜夢回情脈脈竹風簷雨寒窗隔 離

人幾歲無消息今頭白不眠特地重相憶

春艷江上晚山三四點柳絲如翦花如染 香

閨寂門半掩愁眉歛淚珠滴破胭脂臉

江寒一作水碧江水一作上何人吹玉笛扁舟遠送瀟

湘客蘆花千里霜月白傷行色來一作朝便是

關山隔詞作六一

江城子二首一名江神子

曲闌干外小中庭疑原字雨初晴早鶯聲飛絮落花時節

近清明睡覺起來勻面了無箇事沒心情

碧羅衫子鬱金裙好精神小腰身每到花時常是
不宜春早是自家無氣力更被你惡惱人

又二首 張必

碧欄干外小中庭兩初晴曉鶯聲飛絮落花時節
近清明睡起卷簾無一事勻面了沒心情
浣花溪上見卿卿臉波秋水明黛眉輕綠雲高綰
金篦小蜻蜒好事問他來得麼和笑道莫多情

又二首 韋莊

思重嬌多情易傷漏更長解鴛鴦未唇未動先覺
口脂香緩揭繡衾抽皓腕移鳳枕滿卽

鬢髮狼籍黛眉長出蘭房別檀郎角聲鳴咽星斗
漸微茫露冷月殘人未起留不住淚千行

又 歐陽炯

晚日金陵岸草平落霞明水無情六代繁華暗逐
逝波聲空有姑蘇臺上月如西子鏡照江城

又二首

鷓鴣飛起郢城東碧江空半灘風越王宮殿蘋葉
藕花中簾捲水樓漁浪起千片雪雨濛
極浦烟消水鳥飛離筵分首時送金卮渡口楊花
狂雪任風吹日暮空江波浪急芳草岸兩如絲

定西番三首

溫庭筠

漢使昔年離別攀弱柳折寒梅上高臺
千里玉關春雪鴈來人不來羌笛一聲愁絕月徘徊
海燕欲飛調羽翼萱草綠杏花紅隔簾櫳
爽鬢翠霞金縷一枝春艷濃樓上月明三五瑣窻中
細雨曉鶯春晚人似玉柳如眉正相思
羅幕翠簾初捲鏡中花一枝腸斷塞門消息鴈來稀

又

毛熙震

蒼翠濃陰滿院鶯對語蝶交飛戲薔薇
斜日倚欄風好餘香出繡衣未得玉郎消息幾時歸

又 牛嶠

紫塞月明千里金甲冷成樓寒夢長安 鄉思望
中天澗漏殘星亦殘画角數聲鳴咽雪漫

又 二首

孫光憲

雞祿山前遊騎邊草白朔天明馬蹄輕 鵲面弓
離短鞵彎來月欲成一隻鳴髯雲外晚鴻驚
帝子祝前秋夜霜幄冷月華明正三更 何處成
樓寒笛夢殘聞一聲遙想漢關萬里淚縱橫

望江怨

牛嶠

東風急惜別花時手頻執羅幃愁獨入馬嘶殘雨

春燕濕倚門立寄語薄情郎粉香和淚泣

思帝鄉 溫庭筠

花、滿枝紅樹霞羅袖
画簾鵬斷卓香車
回面共
人間語戰篋金鳳斜
唯有阮郎春盡不歸家

又二首 韋莊

雲髻墜鳳釵
垂髻墜釵
無力枕函欹
翡翠屏深
月落漏依、說盡人間天上
兩心知

春日遊杏花吹滿頭
陌上誰家年少足
風流
妾擬將身嫁與
一生休
縱被無情棄
不能羞

又 孫光憲

如何遣情上更多永日水晶簾下歛羞蛾六幅羅裙窄地微行曳碧波看盡滿池踈雨打團荷

長相思二首 白樂天

深画眉淺画眉蟬鬢鬪鬢雲滿衣陽臺行雨迴
巫山高巫山低暮雨蕭上郎不歸空房獨守時前

集作無名氏詞

汴水流泗水流上到瓜州古渡頭吳山點上愁思悠上恨悠上恨到歸時方始休月明人倚樓

又

吳二娘 二娘杭州名妓也白樂天集吳娘暮雨蕭上郎不歸之句

溪花枝淺花枝深淺花枝相間時花枝難似伊
巫山高巫山低暮雨蕭蕭即不歸空房獨守時
詞者誤
句作六一
前四

又二首 李後主

一重山兩重山山遠天高烟水寒相思楓葉丹
菊花開菊花殘塞鴈高飛人未還一簾風月閒
雲一緜玉一梭澹衫兒薄羅輕整雙黛螺
秋風多兩相和簾外芭蕉三兩窠夜長人奈何
春

又 馮延巳

紅滿枝綠滿枝宿雨厭厭睡起遲閒庭花影移

憶歸期數歸期夢見雖多相見稀相逢知幾時

河滿子二首

和凝

正是破瓜年幾含情慣得人饒桃李精神鸚鵡舌
可堪虛度良宵却愛藍羅裙子羨他長束纖腰
寫得魚牋無限其如花鎖春輝目斷巫山雲兩空
教殘夢依口却愛薰香小鴨羨他長在屏幃

又

毛文錫

紅粉樓前月照碧紗窗外鶯啼夢斷遼陽音信那
堪獨守空閨恨對百花時節王孫綠草萋

又四首

毛熙震

寂寞芳菲暗度歲華如箭堪驚緬想舊歡多少事
轉添春思難平曲檻絲垂金柳小窻絃斷銀箏
深院空聞燕語滿園闌落花輕一片相思休不得
忍教長日愁生誰見夕陽孤夢覺來無限傷情
無語殘粧澹薄含羞鞦韆輕盈幾度香闌眼過曉
綺窻踈日微明雲母帳中偷惜水晶枕上初驚
笑靨嫩疑花折愁眉翠斂山橫相望只教添悵恨
整鬟時見纖瓊獨倚朱扉閒立誰知別有深情

又 孫光憲

剗劍不隨君去江河還共思深歌袖半遮眉黛慘

淚珠旋滴衣襟惆悵雲愁雨怨斷魂何處相尋

相見歎

一名上西樓秋夜月憶真妃為夜啼蜀主孟昶昶字保元好學能為

詞父知祥傷位二十八年宋師西伐出降卒于汴

無言獨上西樓月如鉤寂寞梧桐深院鎖深秋

翦不斷理還亂是離愁別有一般滋味在心頭

又薛昭蕴蜀侍御

羅襦繡袂香紅畫堂中細草平沙蕃馬小屏風

卷羅幕凭粧閣思無窮暮雨輕烟魂斷隔簾櫳

又馮延巳

曉窻夢到昭華何瓊家款祝殘粧一朵卧枝花

情極處却無語玉釵斜翠閣銀屏回首已天涯

烏夜啼

李後主

林花謝了春紅太忽。無奈朝來寒雨晚來風。
胭脂淚相留醉幾時重。自是人生長恨水長東。

望梅花

和凝

春草全無消息臘雪猶餘蹤跡越嶺寒枝香自拆
冷艷竒芳堪惜何事壽陽無處覓吹入誰家橫笛

又

孫光憲

數枝開與短牆平見雪萼紅跗相映引起誰人邊
塞情 簾外欲三更吹斷離愁月正明空聽隔江

聲陳晦伯云和孫
二調似各異

薄命女一名長命
和聲

天欲曉宮漏穿花聲繚繞
寒裏星光少冷霞寒侵
帳額殘月光沉樹抄夢斷錦幃空
悄強起愁眉小

薄命妾馮延巳

春日宴綠酒一杯歌一遍
再拜陳三願一願即君
千歲二願妾身長健三願
如同梁上燕歲長相
見

楊柳枝顧復

秋夜香閨思寂寥
漏迨_二鶯幃羅幌麝烟銷
燭光搖
正憶玉卽遊蕩去
無尋處
更聞簾外雨蕭蕭_二
滴芭蕉

柳枝 張泌

膩粉瓊粧透碧紗
雪休誇
金鳳搔頭墜
鬢斜
髮交加
倚著雲屏新睡覺
思夢笑紅腮
隱出枕函花
有些_二

辛巖三填詞之三

唐音統籤卷

九百四十四

感恩多二首 牛嶠

兩條紅粉淚多少香閨意強攀桃李枝歛愁眉
陌上鶯啼蝶舞柳花飛柳花飛願得郎心憶家還
早歸

自從南浦別愁見丁香結近來情轉淡憶鴛衾
幾度將書記烟鴈淚盈襟淚盈襟禮月求天願君
知我心

醉公子二首 顧夔

漢一作河漢秋雲澹紅藕香侵檻枕倚小山屏金鋪

向晚扁 睡起橫波慢獨坐望一作情何限衰柳數
聲蟬魂銷似去年

岸柳垂金線雨晴鶯百啭家住綠柳邊往來多少
年 馬嘶芳草遠高樓簾半捲飲袖翠蛾攢相逢
爾許難

又 薛昭蘊

慢鎗青絲髮光研吳綾襪床上小爐籠韶州新退
紅 巨耐無端處捨得從頭汚袖得眼慵開問人
閒事來

又 尹鵠 蜀叅卿

暮煙籠薛砌，戟門猶未閉。盡日醉尋春，歸來月滿身。
離鞍恨，綉袂墜巾花亂。級何處，惱佳人，檀郎衣上新。

又 無名氏

門外獨兒吹，知是蕭郎至。剗襪下香階，窺家今夜醉。
扶得久，羅幃不肯脫。羅衣醉則從他醉，還勝獨睡時。

揚升庵陳晦伯
守以為唐人詞

生查子 咏懶卸頭

韓偓

侍女勤粧奩，故已驚人睡。那知本未眠，背面偷垂淚。
嬾卸鳳凰釵，羞入鴛鴦被。時復見殘燈，和烟

陸金穗

又 井布濟

春山烟欲收 天澹稀星小

一作星
稀少

殘月臉邊明 別

淚臨清曉 語已多情未了 迴首猶重道 記得綠

羅裙處 日憐芳草

一本無
已字

又 張必

相見稀 喜相見 相見還相遠 檀画荔枝紅 金蔓蜻
蜓軟 魚鴈疎 芳信斷 花落庭陰晚 可惜玉肌膚
銷瘦成慵懶

又二首 魏承班

烟雨晚晴天零落花無語難話此時心梁燕雙來
去琴韻對薰風有恨和情撫腸斷、絃頻淚滴
黃金縷

寂寞畫堂空
深夜出羅幕
燈暗錦屏秋
月冷珠簾薄
愁恨夢難成
何處貪歡樂
看、又春來還是
長蕭索

又三首

孫光憲

寂寞掩朱門
正是天將暮
暗澹小庭中
滴、梧桐
兩、絢工夫
牽心緒
配盡鴛鴦
綉待得没人時
假
倚論私語

暖日策花驄
鞦韆岳楊陌
芳草惹烟青
落絮隨風白
誰家繡轂動
香塵隱映
神仙客
狂殺玉鞭
卽咫尺
音容隔

金井墜高梧
玉殿籠斜月
永巷寂無人
飲態愁堪絕
玉爐寒香燼
滅
還似君恩
欲翠葦不歸來
幽恨將誰說

蝴蝶兒

張泌

蝴蝶兒
晚春時
阿嬌初着淡黃衣
倚窻學畫伊
還似花間見
雙雙對對飛
無端和淚拭
胭脂惹教
雙翅垂

拋毬樂六首

馮延巳

酒罷歌餘興未闌
小橋清水共盤桓
波搖梅葉傷心白
風入羅衣貼體寒
且莫思歸去
須盡望歌此夕歎

逐勝歸來雨未晴
樓前風重草烟輕
谷鸚語軟花邊過
水調聲長醉裏聽
欵翠金觥勸誰是
當筵最有情

梅落新春入後庭
眼前風物可無情
曲池波晚水還合
芳草迎船綠未成
且上高樓望相共
凭欄看月生

霜積秋山萬樹紅倚岩樓上掛來攏白雲天遠重
重恨黃草烟溪浙風髣髴梁州曲吹在誰家玉
笛中

盡日登高興未殘紅樓人散獨盤桓一鈎冷霧懸
珠箔滿面西風凭玉欄歸去須沉醉小院新池月
乍寒

坐對高樓千萬山鴈飛秋色滿欄干燒殘紅燭暮
雲合飄盡碧梧金井寒咫尺人千里猶憶笙歌昨
夜歡

點絳脣 馮延巳

蔭綠圍紅夢瓊家在桃源住画橋當路臨水開朱
戶柳逕春深行到關情處顰不語意憑風絮吹
向郎邊去

醉花間二首

毛文錫

休相問怕相問相問還添恨春水滿塘生鷓鴣還
相起一昨夜兩霏霏臨明寒一陣偏憶成樓人久
絕邊庭信

溪相憶莫相憶相憶情難極銀漢是紅牆一帶遙
相隔金盤珠露滴兩岸榆花白風搖玉珮清今
夕為何夕

玉胡蝶 溫庭筠

秋風淒切傷離行客未歸時
塞外草先衰江南鴈到遲
芙蓉凋嫩臉楊柳墮新眉
搖落使人悲斷腸誰得知

又 孫光憲

暮欲盡景仍長滿園花正黃粉
翅兩悠颺翻日過短墻
鮮豔暖牽遊伴飛去立殘芳
無語對蕭娘舞衫沉麝香

女冠子二首 溫庭筠

含嬌含笑宿翠棧紅窈窕
髻如蟬寒玉簪秋水輕

紗捲碧烟
雪曾鸞鏡裡琪樹鳳樓前寄語青娥
伴早求仙

霞帔雲髮鈿鏡仙容似雪盡愁眉遮語迴輕扇含
羞下綉幃
玉樓相望久花洞恨來遲早晚乘鸞
去莫相遺

又二首 韋莊

四月十七正是去年今日別君時
忍淚佯低面含羞半斂眉
不知魂已斷空有夢相隨
除却天邊月没人知

昨夜七半枕上分明夢見語多時
依舊桃花面頻

低柳葉眉 半羞還半喜欲去又依々覺來知是
夢不勝悲

又二首 李玊

星高月午丹桂青松溪處醮壇開金磬敲清露珠
幢立翠苔 步虛聲縹緲想像思徘徊曉天歸去
路指蓬萊

春山夜靜愁聞洞天疎磬玉堂虛細霧垂珠珮輕
烟曳翠裾 對花情脈々望月步徐々劉阮今何
處絕來書

又 張佖

露花烟草寂寞五雲三島正春深貌減潛銷玉香
殘尚惹襟竹疎虛檻靜松密醮壇陰何事對卽
去信沉

又四首

牛嶠

綠雲高髻點翠勻紅時世月如眉淺笑含雙靨低
聲唱小詞眼看惟恐化魂蕩欲相隨玉趾回嬌
步約佳期

錦江烟水卓女燒春濃美小檀霞繡帶芙蓉帳金
釵芍藥花額黃侵臙髮臂釧透紅紗柳暗鶯啼
處認卽家

星冠霞帔住在蕊珠宮裏佩丁當明翠搖蟬翼織
珪理宿粧 醮壇春草綠藥院杏花香青鳥傳心
事寄劉郎

雙飛雙舞春晝後園鶯語卷羅幃錦字書封了銀
河雁過遲 鴛鴦排寶帳豈能繡連枝不語勻珠
淚落花時

又二首 薛昭蘊

求仙去也翠鈿金篦盡捨入岩巒霧卷黃羅帔雲
彫白玉冠 野烟溪洞冷林月石橋寒靜夜松風
下禮天壇

雲羅霧縠新授明威法籙降真函髻縮青絲髮冠
袖碧玉簪 往來雲過五去住島經三正遇劉郎
使啟瑤緘

又二首 毛熙震

碧桃紅杏遲日媚籠光影綵霞深香暖薰鶯語風
清引鶴音 翠鬢冠玉葉寬袖捧瑤琴應共吹簫
侶暗相尋

修蛾慢臉不語檀心一點小山粧蟬鬢低含綠羅
衣澹拂黃 悶來深院裏閒步落花傍纖手輕
整玉爐香

又二首 鹿度 夔 蜀太尉

鳳樓琪樹惆悵劉郎一去正春深洞裏愁空緒人
間信莫尋 竹疎齋殿迥松密醮壇陰倚雲低首
望可知心 與張似
多同

步虛壇上絳節霓旌相向引真仙玉佩搖蟾影金
爐裏麝烟 露濃霜簡濕風緊羽衣偏欲留難尋
住却歸天

又二首 孫光憲

蕙風芝露壇際殘香輕度葉珠宮苔點分圓碧桃
花踐破紅 品流巫峽外名籍紫微中真侶墉城

會夢魂通

澹花瘦玉依約神仙粧束佩瓊文瑞露通宵貯幽
香盡日焚碧烟籠絳節黃藕冠濃雲勿以吹簫
伴不同羣

二詞作牛
希濟者誤

上行盃二首

章莊

芳草灞陵春岸柳烟深滿樓絃管一曲離聲腸寸
斷今日送君千萬紅樓玉盤金鏤盞須勸珍重
意莫辭滿

白馬玉鞭金轡少年郎離別容易迢遞去程千萬
里惆悵異鄉雲水滿酌一盃勸和淚須愧珍重

意莫辭醉

又二首 孫光憲

草上離亭鞍馬從遠道此地分襟燕宋秦吳千萬
里無辭一醉野棠開江艸濕佇立沾泣征騎駸駸

離棹逡巡欲動臨極浦故人相送去住心情知不
共金船滿捧綺羅愁綠管咽迴別帆影滅江浪
如雪

中興樂 毛文錫

蕊蕊花繁烟艷深丁香軟結同心翠鬟女相與共

淘金 紅蕉葉裏猩々語
鴛鴦浦鏡中鷺舞綠兩
隔荔枝陰

又 牛希濟

池塘暖碧浸晴暉
濛々柳絮輕飛
紅蕖凋來醉夢
還稀 春雲空有鴈歸
珠簾垂 東風寂寞
恨即拋擲淚濕羅衣

辛巖三填詞之四

唐音統巖卷

九百四十五

酒泉子四首 溫庭筠

花映柳條間向綠萍池上凭欄干
窺細浪兩蕭蕭
近來音信兩踈索
洞房空寂寞
掩銀屏垂翠箔
度春宵

日映紗窻金鴨小
屏山碧故鄉春
烟靄隔背蘭缸
宿粧惆悵倚高閣
千里雲影薄
草初齊花又落
燕雙

楚女不歸樓枕小
河春水月孤明
風又起杏花稀
玉釵斜篸雲鬢髻
裙上金縷鳳
八行書千里夢

鴈南飛

羅帶惹香猶繫別時紅豆淚痕新
金縷舊斷離腸
一雙嬌燕語雕梁還是去年時節
綠陰濃芳草
歇柳花狂

又韋莊

月落星沉樓上美人春睡綠雲傾
金枕膩画屏淚
子規啼破相思夢曙色東方繞
動柳烟輕花露
重思難任

又四首 馮延巳

庭下花飛月照粧樓春事晚
珠簾風蘭燭燼怨空

閨 迢 何處寄相思 玉筋零 腸斷屏幃更深
漏永夢魂迷

芳草長川柳映危橋 下路歸鴻飛行人去碧山
邊 風微烟淡雨蕭然 隔岸馬嘶何處九迴腸
雙 臉淚夕陽天

青色融 飛燕乍來鶯未語 小挑寒 垂柳晚玉樓
空 天長烟遠恨重 消息燕鴻歸去枕前燈
窻 外月闌朱籠

深院空幃廊下風簾 驚宿燕香印 灰蘭燭地覺來
時 月明人自擣寒衣 剛愛無端惆悵 堦前行闌

畔立欲雞啼

又二首 張佖

春雨打窗驚夢覺
來天氣曉畫堂深
紅燭小背蘭缸
酒香噴鼻懶開缸
惆悵更無人共醉
舊巢中新燕子語
雙二

紫陌青門三十六
宮春色御溝
螿路暗相通
杏園風咸陽沽酒
寶釵空笑指
未央歸去
插花走馬落殘紅
月明中

又 毛文錫

綠樹春深燕語鶯啼聲
斷續蕙風飄蕩入芳叢
惹

殘紅 柳絲無力裏
烟空金盞不辭頻
滿酌海棠花下思
朦朧醉香風

又 牛嶠

記得去年烟暖杏園花
正發雪飄香江草綠柳絲長
鈿車纖手卷簾望眉學春山
樣鳳釵低裏翠鬟上落梅粧

又 牛希濟

枕轉簾涼清曉遠
鐘殘夢月光斜
簾影動猶嚙香
夢中說盡相思事
纖手勾雙淚
去年書今日意

斷離腸

又七首 顧夏

楊柳舞風輕惹春煙殘
兩杏花愁鶯正語
畫樓東
錦屏寂寞思無窮
還是不知消息鏡塵生
珠淚
滴損儀容

羅帶束金蘭麝烟凝
魂斷画屏歌雲髻亂
恨難任
幾迴垂淚滴鴛衾
薄情何處去
月臨窻花滿樹
信沉

小檻日斜風度綠窻人悄
翠幃閒掩舞雙鸞
舊
香寒
別來情緒轉難判
韶顏看却老
依稀粉上
有啼痕暗銷魂

黛薄紅深約掠綠鬟雲膩小鴛鴦金翡翠稱人心
錦鱗無處傳幽意海燕蘭堂春又去隔年書千
點淚恨難任

掩却菱花收拾翠鈿休上面金蟲玉燕瑣香奩恨
厭厭雲鬢半墜懶重簪淚侵山枕濕銀燈背帳
夢方酣雁飛南

水碧風清入檻細香紅藕膩謝娘歛翠恨無涯小
屏斜堪憎蕩子不還家謾留羅帶結帳淡枕膩
炷沉烟負當年

黛怨紅羞掩映画堂春欲暮殘花微雨隔青樓思

悠々芳菲時節看將度寂寞無人還獨語
畫羅襦香粉污不勝愁

又二首 毛熙震

閒卧綉幃慵想萬般情寵錦檀偏翹股重翠雲歌
暮天屏上春山碧映香烟霧隔蕙蘭心魂夢役
歛蛾眉

鈿匣舞鸞隱映艷紅修碧月梳斜雲鬢膩粉香寒
曉花微歛輕呵展褰釵金燕軟日初昇簾半捲
對殘粧

又四首 李珣

寂寞青樓風觸繡簾珠碎撼月朦朧花暗澹鎖春
愁 尋思往事依稀夢淚臉露桃紅色重鬢歌蟬
釵墜鳳思悠々

雨漬花零紅散香凋池兩岸別情遠春歌斷掩銀
屏 孤帆早晚離三楚閒理細箏愁幾許曲中情
絃上語不堪聽

秋雨驟綿聲散敗荷叢衰那堪深夜枕前聽酒初
醒 牽愁惹思更無停燭暗香凝天欲曉細和烟
冷和雨透簾中

秋月嬋娟皎潔碧紗窻外照花穿竹冷沉々印池

心凝露滴砌蛩吟驚覺謝娘殘夢夜深斜傍枕
前來影徘徊

又三首

拆光憲

空磧無邊萬里陽關道路馬蕭蕭人去隴雲愁
香貂舊製戎衣窄胡霜千里白綺羅心魂夢斷
上高樓

曲檻小樓正是鶯花二月思無膠愁欲絕鬱離襟
展屏空對瀟湘水眼前千萬里淚淹紅眉歛翠
恨沉

歛態窻前裏雀釵拋頸燕成雙鸞對影耦新知

玉纖澹拂眉山小鏡中
嗔共照翠連娟紅縵

早粧時

春光好二首

碧鷄漫志云近世易名愁倚欄和凝

紗窗暖画屏閒
顰雲鬢睡起四肢無力
半春閒
玉指翦裁羅勝金盤
點綴酥山窺宋溪心
無限事

小眉彎

蘋葉軟杏花明
画船輕棹浴鴛鴦
出綠汀棹歌聲
春水無風無浪
春天半兩半晴
紅粉相隨南浦
晚幾含情

浣溪沙

張曙北夢瑣言云張祥符即有愛姬早卒悼念不已一日入朝猶子曙

才後凝流思增大阮之悲乃製浣溪沙一詞置于几上祥朝退懸几無慘忽觀此詞不覺哀慟乃曰必是阿辰所作阿辰即中諫小字也

枕障薰爐隔繡幃二年終日兩相思好風明月始應知
天上人間何處去舊歡新夢覺來時黃昏微雨畫簾垂

又二首 韓偓

攏鬢新收玉步搖背燈初解繡裙腰枕寒衾冷異香焦
深院不關春寂々落花和雨夜迢々恨情殘醉却無聊

宿醉離愁慢髻鬟六銖衣薄惹輕寒慵紅悶翠掩

青鸞 羅襪况兼金齒
蕩雪肌仍是玉琅玕骨香
腰細更沈檀

又五首 韋莊

清曉粧成寒食天
柳毬斜裏間花鈿
捲簾直出畫堂前
指點牡丹初綻
朶日高猶自凭朱欄
含嚬不語恨春殘

欲上鞦韆四體慵
擬交人送又心忪
畫堂簾幕月明風
此夜有情誰不極
隔牆梨雪又玲瓏
玉容憔悴惹微紅

惆悵夢餘三月斜
孤燈照壁背窻紗
小樓高閣謝

娘家暗想玉容何所似一枝春雪凍梅花滿身
香霧簇朝霞

綠樹藏鶯正啼柳絲斜拂白銅鞮弄珠江上草
萋萋日暮飲歸何處客繡鞍聽馬一聲嘶滿身
蘭麝醉如泥

夜々相思更漏殘傷心明月凭欄干想君思我錦
衾寒咫尺畫堂深似海憶來惟把舊書看幾時
攜手入長安

又二首

南唐王李璟 南唐書元宗樂府小
襍吹散玉堂寒 馮延巳風乍起吹
一池春水句並為營策元宗嘗因曲
庭已曰吹皺一池春水干細何事
庭已曰

表如陛下小樓吹徹玉笙寒示宗悅又
云元宗嘗手寫此賜伶人王感化後感化
以詞亂上後主後主感勳賞賜甚
俊古今詞話以為後主作誤

萋萋香消翠葉殘西風愁起碧波間
還與容光共憔悴不堪看
細雨夢回雞塞遠小樓吹徹玉笙
寒
較口泪珠多少恨倚闌干
秋思

手捲真珠上玉鉤
依前春恨鎖重樓
風裏落花誰是主
思悠悠
青鳥不傳雲外信
丁香空結雨中愁
回首綠波春色暮
接天流
春恨

又春恨

風壓輕雲貼水飛
乍晴池館燕爭泥
沈郎多病不

勝衣 沙上未聞鴻鴈信竹間時有鷓鴣啼此情
惟有落花知

又 李後主

紅日已高三丈透金爐次第添香獸紅錦地衣隨
步皺 佳人舞點金釵溜酒惡時拈花蕊嗅別殿
遙聞簫鼓奏

又 馮延巳

轉燭飄蓮一夢歸欲尋陳迹悵人非天教心願與
身違 待月池臺空逝水蔭花樓閣謾斜暉登臨
不惜更沾衣

又十首

張泌

鈿轂香車過柳堤
棹烟分處馬頻嘶
為他沉醉不成泥
花滿驛亭香露細
杜鵑聲斷玉蟾低
含情無語倚樓西

馬上凝情憶舊遊
照花澄竹小溪流
鈿箏羅幕玉搔頭
早是出門長帶月
可堪分袂又經秋
晚風斜日不勝愁

獨立寒堦望月華
露濃香泛小庭花
繡屏愁背一燈斜
雲雨自從分散後
人間無路到仙家
但憑魂夢訪天涯

依約殘眉理舊黃翠鬟拋擲一簪長暖風晴日罷
朝粧閒折海棠看又撚玉纖無力惹餘香此情
誰會倚斜陽

翡翠屏開綉幄紅謝娥無力晚粧慵錦幃鴛被宿
香濃微雨小庭春寂寞燕飛鶯語隔簾隴杏花
凝恨倚東風

枕障熏爐隔綉幃二年終日兩相思杏花明月始
應知天上人間何處去舊歡新夢覺時來黃昏
微雨畫簾垂

花月香寒悄夜塵綺筵幽會暗傷神嬋娟依約畫

屏人 人不見時還暫語
令繞拋後受微顰
越羅 巴錦不勝春

偏戴花冠白玉簪
睡容新起意沉沉
翠鈿金縷鎮 眉心
小檻日斜風悄
隔簾零落杏花陰
斷香 輕碧鎖愁深

晚逐香車入鳳城
東風斜揭繡簾輕
慢迴嬌眼笑 盈
消息未通何計是
便須佯醉且隨行
依稀 聞道太狂生

小市東風欲雪天
象中依約見神仙
葉黃香畫帖 金蟬
飲散黃昏人草草
醉容無語立門前
馬嘶

塵烘一街烟

又 毛文錫

七夕年々信不違
銀河清淺白雲微
蟾光鵲影伯勞飛
每恨蟪蛄隣
婺女幾迴嬌妬下
鴛機今宵嘉會兩依依

又四首 李珣

入夏偏宜澹薄粧
越羅衣褪鬱金黃
翠鈿檀注助容光
相見無言還有恨
幾回拚却又思量
月窟香迳夢悠颺

晚出閑庭看海棠
風流學得內家粧
小釵橫戴一

枝芳 鏤玉梳斜雲鬢膩
鏤金衣透雪肌香
暗思何事立殘陽
訪舊傷離欲斷魂
無因重見玉樓人
六街微雨鏤香塵
早為不逢巫峽夢
那堪虛度錦江春
過花傾酒莫辭頻

紅藕花香到檻頻
不堪閒憶似花人
舊歡如夢絕音塵
翠疊畫屏山隱隱
冷鋪紋簾水泠泠
斷魂何處一蟬新

又八首 薛昭蕊

紅蓼渡頭秋正雨
印沙鷗跡自成行
整鬟飄袖野

風香 不語含頻淚浦裏幾迴愁煞棹船卽燕歸
帆盡水茫茫

鈿匣菱花錦帶垂靜臨蘭檻卸頭時約鬟低珥筓
歸期 茂苑草青湘渚潤夢餘空有漏依々二年
終日損芳菲

粉上依稀有淚痕郎庭花落歛黃昏遠情淡恨與
誰論 記得去年寒食日延秋門外卓金輪日斜
人散暗銷魂

握手河橋柳似金蜂鬚輕惹百花心蕙風蘭思寄
清琴 意滿便同春水滿情淡還似酒盃淡楚烟

湘月兩沉

簾下三閭出寺墻
滿街垂柳綠陰長
嫩紅輕翠間
濃粧瞥地見時猶可
却來閒處暗思量
如今情事隔仙鄉

江館清秋
纜客船
故人相送
夜開蓮
麝烟蘭
釵簇花
鈿正是
斷魂迷楚雨
不堪離恨咽
湘絃月高
霜白水連天

傾國傾城恨有餘
幾多紅淚泣
姑蘇倚風凝
睇雪肌膚
吳主山河空
落日越王宮
殿半平蕪
藕花菱蔓滿
重湖

越女淘金春水上步搖雲鬢珮鳴璫清風江州又
清香不為遠山凝翠黛只因含恨向斜陽碧桃
花謝憶劉郎

辛籤三填詞之五

唐音統籤卷九百四十六

浣溪沙八首 顧夔

紅藕香寒翠渚平，月籠虛閣夜蛩清。塞鴻驚夢兩

牽情。寶帳玉爐殘麝冷，羅衣金縷暗塵生。小窓

孤燭淚縱橫。一本前第三句作天際鴻梳上夢兩牽情後第三句作小窓深孤燭背淚

縱橫入山花子調

荷芰風輕簾幕香，繡衣鸚鵡泳迴塘。小屏閒掩舊

瀟湘。恨入空幃鴛影獨，淚凝雙臉渚蓮光。薄情

年少悔思量

春色迷人恨正賒，可堪蕩子不還家。細風輕露著

梨花 簾外有情雙燕颺
檻前無力綠楊斜
小屏狂夢極天涯

惆悵經年別謝娘
月窻花院好風光
此時相望最情傷
青鳥不來傳錦字
瑤姬何處瑣蘭房
忍教魂夢兩茫茫

庭菊飄黃玉露濃
冷莎隈砌隱鳴蛩
何期良夜得相逢
背帳風搖紅蠟滴
惹香暖夢繡衾重
覺來枕上怯晨鐘

雲澹風高葉亂飛
小庭寒雨綠苔微
深閨人靜掩屏幃
粉黛暗愁金帶枕
鴛鴦空繞畫羅衣
那堪

辜負不思歸

鴈響遙天玉漏清
小紗窻外月朧明
翠幃金鴨炷香平
何處不歸音信斷
良宵空使夢魂驚
簟涼枕冷不勝情

露白蟾明又到秋
佳期幽會兩悠悠
夢牽情役幾時休
記得泥人微斂黛
無言斜倚小書樓
暗思前事不勝愁

又七首 毛熙震

春暮黃鶯下砌前
水精簾影露珠懸
綺霞低映晚晴天
弱柳萬條垂翠帶
殘紅滿地碎香鈿
蕙風

飄蕩散輕煙

花榭香紅煙景迷
滿庭芳草綠萋萋
金鋪閒掩繡簾低
紫燕一雙嬌語碎
翠屏十二晚峰齊
夢魂銷散醉空閨

晚起紅房醉欲銷
綠鬟雲散裏金翹
雲香花語不勝嬌
好是向人柔弱處
玉纖時急繡裙腰
春心牽惹轉無憀

一隻橫釵墜髻業靜眠
珍簾起來慵繡羅紅嫩
抹酥脣羞斂細蛾魂暗斷
困迷無語思猶濃
小屏香靄碧山重

雲薄羅裙綬帶長，滿身新裊瑞龍香。翠鈿斜映艷
梅粧。佯不覩人空婉約，笑和嬌語太猖狂。忍教
牽恨暗形相。一作裙
碧玉冠輕裏燕釵，捧心無語步香階。緩移弓底綉
羅鞋。暗想歡娛何計好，豈堪期約有時乖。日高
深院正忘懷。

半醉凝情卧繡茵，睡容無力卸羅裙。玉籠鸚鵡厭
聽聞。慵整落釵金翡翠，象梳歌鬢月生雲錦屏。
綃幌麝煙薰。

又 閨思 蜀處士

佳句自續錄
寂寞流蘇冷綉荀倚屏山枕惹香塵小庭花露泣
濃春 劉阮信非仙洞客常娥終是月中人此生
無路訪東鄰

又三首 歐陽炯

落絮殘鶯半日天玉柔花醉只思眠惹窓映竹滿
爐烟 獨掩画屏愁不語斜歌瑤枕髻鬟偏此時
心在阿誰邊

天碧羅衣拂地垂美人初著更相宜宛風如舞透
香肌 獨坐含嚔吹鳳竹園中緩步折花枝有情
無力泥人時

相見休言有淚珠。酒闌重得叙歡娛。鳳屏鴛枕宿
金鋪。蘭麝細香聞喘息，綺羅纖縷見肌膚。此時
還恨薄情無。

又九首 孫光憲

蓼岸風多橘袖香。江邊一望楚天长。片帆烟際閃
孤光。目送征鴻飛杳杳，思隨流水去茫茫。蘭紅
波碧憶瀟湘。

桃杏風香簾幕閒。謝家門戶約花開。畫梁幽語燕
初還。綉閣數行題了壁，曉屏一枕酒醒山。却疑
身是夢魂間。

幽語一
作變語

花漸凋疎不耐風
畫簾垂地晚堂空
墮堦紫蘇舞
愁紅 膩粉半粘金
縷子殘香猶暖
綉薰籠
蕙心無處與人同

攪鏡無言淚欲流
凝情半日懶梳頭
一庭疎雨濕春愁
楊柳秖知傷怨別
杏花應信損嬌羞
淚沾魂斷軫離憂

半踏長裾宛約行
晚簷疎處見分明
此時堪恨昧平生
早是銷魂殘燭影
更愁聞著品絃聲
杳無消息若為情

蘭沐初休曲檻前
暖風遲日洗頭天
濕雲新斂未

梳蟬 翠袂半將遮粉臆寶釵長欲墜香肩此時
模樣不禁憐

風遞殘香出綉簾團窠金鳳舞禧 落花微雨恨
相兼 何處去來狂太甚空推宿酒睡無厭爭教
人不別猜嫌

輕打銀箏墜燕泥斷綠高眉画樓西花冠閒上午
墻啼 粉籜半開新竹透紅苞盡落舊桃蹊不堪
終日閉深閨

烏帽斜欹倒佩魚靜街偷步訪仙居隔牆應認打
門初 將見客時微掩欵得人憐處且生疎低頭

羞問壁邊書

攤破浣溪沙

毛文錫

春水輕波浸綠苔
枇杷洲上紫檀開
晴日眠沙鷗
鷓鴣穩暖相隈
羅襪生塵游女過
有人違着弄珠
迴蘭麝飄香初解珮
忘歸來

紗窗恨二首

毛文錫

新春燕子還來至
一隻飛壘巢泥濕
時、墜澆人
衣
後園裡看百花發
香風拂繡戶
金扉月照紗
窗恨依依

陰 二三月愛隨飄絮伴落花來拂衣襟更翦輕
羅片傳黃金

戀情深二首 毛文錫

滴滴銅壺寒漏咽醉紅樓月宴餘香殿會鴛衾蕩
春心 真珠簾下曉光侵鶯語隔瓊林寶帳欲開
慵起戀情淡

玉殿春濃花爛熳簇神仙伴羅裙窣地綵黃金奏
清音 酒闌歌罷兩沉沉一笑動君心永願作鴛

鴛伴戀情淡 屠川明云後伴字疑是
侶字此字宜用上聲也

贊浦子

毛文錫

錦帳添香睡金爐換夕薰懶結芙蓉帶慵拋翡翠
裙正是桃夭柳媚那看暮雨朝雲宋玉高唐意
裁瓊欲贈君

歸國遙二首

溫庭筠前一首一作馮延巳

香玉翠鳳寶釵垂異綬鈿篋交勝金粟越羅春水
淥盞堂照簾殘燭夢餘更漏促謝娘無限心曲
曉屏山斷續

雙臉小鳳戰篋金甌艷舞衣無力風飲藕絲秋色
染錦帳綉幃斜掩露珠清曉簾粉心黃葉花曆

黛眉山雨點

又三首 韋莊

春欲暮滿地落花紅帶兩個悵玉籠鸚鵡單棲無
伴侶南望去程何許問花花不語早晚得同歸
去恨無雙翠羽

金翡翠為我南飛傳我意畫橋邊春水幾年花
下醉別後只知相愧淚珠難遠寄羅幕綉幃鴛
被舊歡如夢裏

春欲晚戲蝶遊蜂花爛熳日落謝家池館柳絲金
縷斷睡覺綠鬟風亂画屏雲雨散閒倚博山長
歎淚流沾皓腕

三字令 歐陽炯

春欲盡日遲遲牡丹時羅幌卷翠簾垂彩箋書紅
粉淚兩心知人不在燕空歸負佳期香爐落枕
函歌月分明花澹薄惹相思

後庭花三首

毛熙震

鶯啼燕語芳菲節瑞庭花發昔時歡宴歌聲揭管
絃清越自從陵谷追遊歇画梁塵黓傷心一片
如珪月閒鎖宮闕

輕盈舞妓含芳艷競粧新臉步搖珠翠修娥歛膩
鬢雲染歌聲慢發開檀點繡衫斜掩時將纖手

勻紅臉笑拈金麝

越羅小袖新香積薄籠金釧倚欄無語搖輕扇半
遮勻面春殘日暖鶯嬌懶滿庭花片爭不教人
長相見画堂深院

又二首

孫光憲

景陽鐘動宮鶯囀露涼金殿輕颺吹起瓊花旋玉
葉如翦晚來高閣上珠簾卷見墜香千片修蛾
慢臉陪雕輦後庭新宴

輕颺一作鮮豔

石城依舊空江國故宮春色七尺青絲芳草綠絕
世難得玉英凋落盡更何人識野棠如織只是

教人添怨憶，悵望無緣。

屬用明云緣字非韵，疑碧字之誤。

巫山一段雲

毛文錫

雨霽巫山上，雲輕映碧天。
遠風吹散又相連，十二
晚峰前。暗濕啼猿樹，
高籠過客船。朝朝暮暮楚
江邊，幾度降神仙。

又二首

李珣

有客經巫峽，停橈向水湄。
楚王曾此夢瑤姬，一夢
杳無期。塵暗珠簾卷，
香銷翠幄垂。西風回首不
勝悲，暮雨灑空祠。

古廟依青嶂，行宮枕碧流。
水聲山色鑠粧樓，往事

思悠悠 雲雨朝還暮 烟花春復秋 啼猿何必近

孤舟行客自多愁

花萼詞客云唐詞多綠題所賦臨江仙則言仙事女冠子則言

道情河瀆神則詠祠廟大聚不失本題之意爾後漸變失題遠矣如此二詞齊唐人本來詞體如此

採桑子

一名羅敷令一名羅敷媚一名醜奴兒令

和凝

蝓蟻領上訶梨子 繡帶雙垂椒戶閒 時競學檇蒲

踏荔枝 叢頭鞋子紅編細 裙窄金絲無事嚙眉

春思 翻教阿母疑

又

秋怨 李後主

輓轡金井梧桐晚 幾度驚秋 晝雨新愁 百尺蝦鬚

上玉鈎 瓊憲春斷 雙娥皺 回首遺頭 欲寄鱗遊

九曲寒波不泝流

又春思

亭前春逐紅英盡
舞態徘徊細雨霏
微不放雙眉時暫開
綠窻冷靜芳音斷
香印成灰可頰清懷
欲睡朦朧人夢來

又十三首

春思
馮延巳

小庭雨過春將盡
片片花飛獨折殘
枝無語凭闌
祇自知
玉堂香煖珠簾捲
雙燕來歸君約佳期
肯信韶華得幾時

馬嘶人語春風岸
芳草絲
楊柳橋邊落日高樓

酒旆懸 舊愁新恨知多少
自斷遙天獨立花前
更聽笙歌滿画船

西風半夜簾櫳冷
遠夢初歸夢過金扉
花謝窻前夜合枝
昭陽殿裡新翻曲
未有人知偷取笙吹
驚覺寒蛩到曉啼

酒闌睡覺天香暖
綉戶慵開香印成
仄獨背寒屏
理舊眉 朦朧却向燈前
臥窻月徘徊
曉夢初回
一夜東風綻早梅

小堂深靜無人到
滿院春風惆悵
牆東一樹櫻桃
帶雨紅
愁心似醉兼如病
欲語還慵
日暮踈鐘

雙燕歸樓畫閣中

畫堂燈暖簾櫳卷禁漏丁丁兩罷寒生一夜西窓
夢不成 玉娥重起添香印回倚孤屏不語含情
水調何人吹笛聲

笙歌放散人歸去獨宿江樓月上雲收一半珠簾
掛玉鉤 起來檢點經遊地處 新愁憑仗東流
將取離心過福州

昭陽記得神仙侶獨自承恩水殿燈昏羅幙輕寒
夜正春 如今別館添蕭索滿面啼痕舊約猶存
忍把金環別與人

微風簾幙清明近
花落春殘樽酒留
歡添盡羅衣怯
夜寒
愁顏恰似燒殘燭
珠淚闌干也欲高拚
爭奈相逢情萬般

畫堂昨夜愁無睡
風雨淒淒林鶻爭
棲落盡燈花
雞未啼
年光往事如流水
休說情迷玉筋垂
垂
祇是金籠鸚鵡知

寒蟬欲報三秋候
寂靜幽居葉落閒
堦月透簾櫳
遠夢回
昭陽舊恨依前在
休說當時玉笛吹
吹
滿袖猩猩血又垂

洞房深夜笙歌散
簾幙重重斜
月朦朧
雨過殘花

落地紅 昔年無限傷心事
依舊東風獨倚梧桐
閒想閒思到晚鐘

花前失却遊春侶
極目尋芳滿眼悲涼
縱有笙歌亦斷腸
林間戲蝶簾間燕
各自雙雙
忍更思量
綠樹青苔半夕陽

辛籤三填詞之六

唐音統籤卷

九百四十七

菩薩蠻

一名重疊金一名子夜歌李白

平林漠漠烟如織寒山一帶傷心碧暝色入高樓

有人樓上愁玉階空佇立宿鳥歸飛急何

處是歸程長亭連更短亭湘山歸錄云此詞不

水滸接復不知何人所撰魏道輔泰見兩受之後

至長沙得古風集於曾子宣內韓家乃知李白所撰

社陽羅編云大中初女蠻國入貢其人危髻金冠

纓絡被体人謂之菩薩蠻當時偶優遂製菩薩蠻

白之士亦往聲其詞南部新書亦載此事則太

何得預製其曲耶

又無名氏稿齋贊學云宣宗時有婦人斷夫兩足者上戲語宰相曰無乃碎接花打

人蓋時有此詞云

牡丹含露真珠顆
美人折向庭前過
含笑問檀郎
花強妾貌強
檀郎故相惱
須道花枝好
一向發
嬌嗔碎接花打人

又十四首

溫庭筠北夢瑣言云宣宗愛唱
菩薩蠻詞令孤相國假溫飛卿新

撰密進之戒以勿泄而
遽言於人由是竦之

小山重叠金明滅
鬢雲欲度香腮雪
懶起画蛾眉
弄粧梳洗遲
照花前後鏡
花面交相映
新帖繡
羅襦雙金鷓鴣

水精簾裏頗黎枕
暖香惹夢鴛鴦錦
江上柳如烟

雁飛殘月天
藕絲秋色淺
人勝參差剪髮髻
隔香紅玉釵頭上風

葉黃無限當山額
宿粧隱笑紗窗隔
相見牡丹時
暫來還別離
翠釵金作股
釵上蝶雙舞
心事竟誰知
月明花滿枝

翠翹金縷雙鷓鴣
水紋細起春池碧
池上海棠梨
雨晴紅滿枝
綉衫遮笑靨
烟草粘飛蝶
青瑣對芳菲
玉闥音信稀

杏花含露團香雪
綠楊陌上多離別
燈在月朧明
覺來聞曉鶯
玉鈎褰翠幕
粧淺舊眉薄
春夢正

關情鏡中蟬鬢輕

玉樓明月長相憶
柳絲裏如春無力
門外草萋萋
送君聞馬嘶
画羅金翡翠香燭銷成淚
花落子規啼
綠窻殘夢迷

鳳皇相對盤金縷
牡丹一夜經微雨
明鏡照新粧
鬢輕雙臉長
画樓相望久
欄外垂絲柳
音信不歸來
社前雙燕迴

牡丹花謝鶯聲歇
綠楊滿院中庭月
相憶夢難成
背窻燈半明
翠鈿金壓臉
寂寞香閨掩
人遠淚闌干
燕飛春又殘

滿宮明月梨花白故人萬里閩山隔金雁一雙飛
淚痕沾綉衣小園芳草綠家住越溪曲楊柳色
依_上燕歸君不歸

寶函鈿雀金鷓鴣沉香閣上吳山碧楊柳又如絲
驛橋春雨時画樓音信斷芳草江南岸鸞鏡與
花枝此情誰得知

南園滿地堆輕絮愁間一霎清明雨雨後却斜陽
杏花零落香無言勻睡臉枕上屏山掩時節欲
黃昏無膠獨倚門

夜來皓月綵常年重簾悄無人語淡處麝烟長

卧時留薄粧 當年還自惜往事那堪憶花露月
明殘錦衾知曉寒

雨晴夜合玲瓏日萬枝香裏紅綠拂閒夢憶金堂
滿庭萱草長 繡簾垂翠嶽眉黛遠山綠春水渡
溪橋凭欄魂欲銷

竹風輕動庭除冷珠簾月上玲瓏影山枕隱穠粧
綠檀金鳳皇 西蛾愁黛淺故國吳宮遠春恨正
關情画樓淺點聲

又二首

昭宗 中朝故事云乾寧三年李茂

貞妃 關帝次華州釋建迎歸郡中帝
不樂每登州城西齊雲樓望遠明年
秋製此詞今樂工奏之泣下露襟帝王已

下並有
篇和

登樓遙憶秦宮殿
茫茫只見雙飛燕
渭水一條流
千山與萬丘
遠烟籠碧樹
陌上行人去
何處有
英雄迎儂歸故宮
一作野烟上碧樹陌上行人
去安得有英雄迎歸大內中
飄飄且在三峰下
秋風往々堪霑灑
腸斷憶仙宮
朦朧烟霧中
思夢時々睡不語
長如醉
早晚是
歸期
蒼穹知不知

又五首

韋莊

紅樓別夜堪惆悵
香燈半捲流蘇帳
殘月出門時
美人和淚辭
琵琶金翠羽
絃上黃鶯語
勸我早

歸家綠窻人似花

人人盡說江南好
遊人只合江南老
春水碧於天
畫船聽雨眠
鑪邊人似月
皓脫凝髮
變雪未老莫
還鄉還鄉須斷腸

如今却憶江南樂
當時年少春衫薄
騎馬倚斜橋
滿樓紅袖招
翠屏金屈曲
醉入花叢宿
此度見
花枝白頭誓不歸

勸君今夜須沉醉
樽前莫話明朝事
珍重主人心
酒淚情亦深
須愁春漏短
莫訴金盃滿
遇酒且
呵呵人生能幾何

洛陽城裏春光好洛陽才子他鄉老柳暗魏王堤
此時心轉迷 桃花春水渌水上鴛鴦浴凝恨對
殘暉憶君君不知

又 和凝

越梅半折輕寒裏冰清淡薄籠藍水暖覺杏梢紅
遊絲狂惹風 閒堦莎徑碧遠夢猶堪惜離恨又
迎春相思難重陳

又七首 牛嶠

舞裙香暖金泥鳳画梁語燕驚殘夢門外柳花飛
玉郎猶未歸 愁勻紅粉淚眉翦春山翠何處是

遼陽錦屏春畫長

柳花飛處鶯聲急
暗街春色香車立
金鳳小簾開
臉波和恨來
今宵求夢想
難到青樓上
贏得一場愁
鴛衾誰並頭

玉釵風動春幡急
交枝紅杏籠烟泣
樓上望鄉卿
窻寒新雨晴
熏爐蒙翠被
綉帳鴛鴦睡
何處最相知
羨他初画眉

画屏重疊巫陽翠
楚神尚有行雲意
朝暮幾般心
向他情謾深
風流今古隔
虛作瞿塘客
山月照山花
夢迴燈影斜

風簾燕舞鶯啼柳
粧臺約髻低
纖手釵重髻盤珊
一枝紅牡丹
門前行樂客
白馬嘶春色
故故墜
金鞭迴頭應眼穿

綠雲鬢上飛金雀
愁眉斂翠春烟薄
香閣掩芙蓉
画屏山幾重
窻寒天欲曙
猶結同心苣
啼粉污
羅衣問郎何日歸

玉樓冰簟鴛鴦錦
粉融香汗流
山枕簾外轆轤聲
斂眉含笑驚
柳陰烟淡
低髻蟬釵落
須作一
生拚画君今日歡

又二首

魏承班

羅裾薄。秋波染眉間畫得。山西點相見綺筵時。
淡情暗共知。翠翹雲鬢動。歛態彈金鳳。宴罷入
蘭房。邀人解珮璫。

羅衣穩約金泥。画玳筵一曲當秋夜。聲顫一作觀

人嬌。雲鬟裏翠翹。酒醺紅玉軟眉翠。秋山遠繡

幌麝烟沉。誰人知兩心。

又 尹鶻

隴雲暗含秋天白。俯窻獨坐窺烟陌。樓際角重吹
黃昏。方醉歸。荒唐難共語。明日還應去。上馬出
門時。金鞭莫與伊。

又三首 毛熙震

梨花滿院飄香雪，高樓夜靜風箏咽。斜日照簾幃，
憶君和夢稀。小窗燈影背，燕語鶯愁態。屏掩斷
香飛行雲，山外歸。

綉簾高軸臨塘看，兩翻荷葉真珠散。殘暑晚初涼，

輕風渡水香。無膠悲往事，爭那牽情思。光影暗
相催，寺聞秋又來。

天寒殘碧融春色，五陵薄倖無消息。盡日掩朱門，
離愁暗斷魂。鶯啼芳樹暖，前拂迴塘滿。寂寞對
屏山，相思醉夢間。

又三首 李珣

迴塘風起波紋細
刺相花裏門斜閉
殘日照平蕪
雙飛鷓鴣
征帆何處客相見
還相隔不語欲
魂銷望中烟水遙

等閒將度三春景
簾垂碧砌參差影
曲檻日初斜
杜鵑啼落花
恨君容易處
又話瀟湘去
凝思倚
屏山淚流紅臉斑

隔簾微雨雙飛燕
砌花零落紅溪淺
捻得空箏調
心隨征棹遙
楚天雲外路
動便經年去
香斷盡
屏深舊歡何處尋

又三首

李後主
氏其繼室

南唐書云後主后昭惠周

寢疾已入禁中待年後主詞有秋後步香

階手捉金縷鞋之句多傳于外及冊封成

花明月暗飛輕霧，今朝好向郎邊去。剗

南唐書
作衣襪

步香階，手提金縷鞋。画堂南畔見，一向偎人顫。

奴為去來難，教君恣意憐。

蓬萊院闌天，台女画堂畫寢無人語。拋枕翠雲光

綉衣闌異香。潛來珠鎖動，驚覺鴛鴦夢。慢臉笑

盈，相看無恨情。

銅簧韻脆，鏘寒竹新聲。慢奏移纖玉，眼色暗相鉤。

秋波橫欲流 兩雲深綺戶未便諧裏素宴罷又
成空魂迷春夢中

又八首

馮延巳

金波遠逐行雲去 疎星時作銀河渡 花影卧秋千
更長人不眠 玉箏彈未徹 鳳髻黃釵脫 憶夢翠
蛾低 微風吹繡衣

畫堂昨夜西風過 綉簾時拂朱門鎖 鶯夢不成雲
雙蛾枕上嚙 金爐烟裊 燭暗紗窗曉 殘日尚
響環玉箏和淚彈

梅花吹入誰家笛 行雲半夜凝空碧 歌枕不成眠

關山人未還 聲隨幽怨絕空斷
澄霜月月影下
重簷輕風花滿簾

回廊遠砌生秋草
夢魂千里青門道
鸚鵡怨長更
碧籠金鎖橫
羅幃中夜起
霜月清如水
玉露不成圓
寶箏悲斷絃

嬌鬢堆枕釵橫鳳浴
春水楊花夢紅燭
淚闌干
翠屏烟浪寒
錦壺催畫箭
玉環天涯遠
和淚試
嚴粧落梅飛夜霜

西風嫋嫋
凌歌扇
秋期正
興行雲遠
花葉脫
霜紅
流螢殘月中
蘭閨人在否
千里重樓暮
翠被已

銷香夢隨寒漏長

沉沉朱戶橫金鎖
紗窗月影隨花過
燭淚欲闌干
落梅生晚寒
寶釵橫翠鳳
千里香屏夢雲雨已
荒涼江南春草長

歌鬟墮髻搖雙漿
採蓮晚出清江上
顧影約流萍
楚歌嬌未成
相逢顰翠黛
笑把珠璫解家住
柳陰中畫橋東復東

又五首 孫光憲

月華如水籠香砌
金環碎撼門初閉
寒影墮高簷
鈎垂一面簾
碧烟輕裏
紅顫燈花笑
卽此是

高唐掩屏秋夢長

花冠頻鼓牆頭翼東方澹白連窓色門外早鶯聲
背樓殘月明薄寒籠醉態依鴉鉛華在握手送
人歸半拖金縷衣

小庭花落無人掃疎香滿地東風老春晚信沉沉
天涯何處尋曉堂屏六扇眉共湘山遠爭奈別
離心近來九不禁

青巖碧洞經朝雨隔花相喚南溪去一隻木蘭船
波平遠浸天扣舷驚翡翠嫩玉擡香臂紅日欲
沉西烟中遙解攜

木綿花映叢祠小越禽聲裏春光曉銅鼓與蠻歌
南人祈賽多客帆風正急蒲袖偎檣立極浦幾
回頭烟波無限愁

又

詠玉真夢事
見士籤內

玉京人去秋蕭索画簷鵲起梧桐落欹枕悄無言
月和殘夢圓背燈唯暗泣甚處碓聲急眉黛遠
山攢芭蕉生暮寒

一作獨自倚闌
千衣襟在暮寒

子夜歌

李俊主

人坐愁恨何能免銷魂獨我情何限故國夢重歸
覺來雙淚垂高樓誰與上長記秋晴望往事已

成空還如一夢中

又一闋云：尋春須是陽春早，看花莫待花枝老。惜後不全。

思越人

馮延巳

酒醒情懷惡，金縷褪，玉肌如削。寒食過，却海棠零落。乍倚適闌干，烟淡薄。翠幙簾櫳，畫閣春睡著。覺來失秋千期約。

杏園芳

尹鶚

嚴粧嫩臉，花明教人見了，開情含羞舉步。越羅輕稱娉婷。終朝咫尺，窺香閣，迢迢似隔層城。何時休道夢相縈，入雲屏。

柳含烟四首

毛文錫

隋堤柳汴河春夾岸綠陰千里龍舟鳳舸木蘭香
錦帆張 因夢江南春景好一路流蘇羽葆笙歌
未盡起橫流鎖春愁

河橋柳占芳春映水含烟拂路幾迴攀折贈行人
暗傷神 樂府吹為橫笛曲能使離腸斷續不如
移植在金門近天恩

章臺柳近垂旒低拂往來冠蓋隴上春色滿皇州
瑞烟浮 直與路邊江畔別免被離人攀折最憐
京兆画蛾眉葉纖時

御溝柳占春多半出宮牆婀娜有時倒影籠輕羅

麴塵波 昨日金鑾巡上苑
風亞舞腰纖軟栽培
得地近 皇宮瑞烟濃